



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-614-4/24**

Datum: **17.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «AME» d.o.o. Breza za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov pilića u naselju Vrankamen, općina Breza, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «AME» d.o.o. Breza daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov pilića (kapacitet oko 34.000 pilića/turnus) izgrađenog u naselju Vrankamen na zemljištu označenom kao k.č. broj: 768/1 K.O. Slivno, općina Breza.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
 - 2.3. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.5. Da korisnik obavežno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.6. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.7. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
 - 2.8. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu farme obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta farme za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «AME» d.o.o. Breza obratilo se ovoj Agenciji dana 23.12.2024. godine sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov pilića (kapacitet oko 34.000 pilića/turnus) izgrađenog u naselju Vrankamen, na zemljištu označenom kao k.č. broj: 768/1 K.O. Slivno, općina Breza.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-000038 izdatog dana 05.01.2024. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 13.09.2005. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji obveznika poreza na dodanu vrijednost broj: 04/5-1/IV-17-1-5684-2367/05 izdatog dana 12.11.2005. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-2-40-560-4/19 izdatog dana 26.12.2019. godine od strane «Agencije za vodno područje rijeke Save» Sarajevo,
- Kopija Rješenja o upotrebi građevine broj: 12-23-03737/14 izdatog dana 21.07.2014. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-19-03484/23 izdatog dana 29.09.2023. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o ispunjavanju veterinarsko-zdravstvenih uslova broj: 05-24-1512-3/14 izdatog dana 29.04.2014. godine od strane Ministarstva poljoprivrede, šumarstva i vodoprivrede Zeničko-dobojskog kantona,
- Kopija Rješenja o izmjeni Rješenja o ispunjavanju veterinarsko-zdravstvenih uslova broj: 05-24-3993-2/17 izdatog dana 06.06.2017. godine od strane Ministarstva poljoprivrede, šumarstva i vodoprivrede Zeničko-dobojskog kantona,
- Glavni projekat – vanjske hidroinstalacije – Farma za tov pilića broj: 19-IB-G/13 urađen od strane «IBIS» d.o.o. Zavidovići, mart 2013. godine (na uvid),
- Kopija Ugovora o odvozu sadržaja iz septičke jame broj: 808/23-DS zaključen sa «DELTA PETROL» d.o.o. Kakanj, maj 2023. godine (prilog: faktura broj: 002542-1 za čišćenje jame),
- Kopije Ugovora o poslovnoj saradnji – preuzimanje đubrišne prostirke nakon završenog turnusa zaključen dana 28.06.2024. godine sa Amel Bajramović iz Breze i dana 04.10.2024. godine sa Šabanović Eldar iz Breze,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog objekta farme u naselju Vrankamen, općina Breza i tom prilikom je sačinjen Zapisnik o uviđaju broj: UP-1/21-3-40-614-3/24 od 12.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetna Farma za tov pilića, koju čini jedan objekat (spratnosti P+1), izgrađen je na lijevoj obali rijeke Stavnje uz regionalnu saobraćajnicu Breza-Vareš u naselju Vrankamen, općina Breza. Kapacitet uzgoja je oko 34.000 pilića po turnusu.
- Od strane Agencije, za predmetni objekat je dana 26.12.2019. godine izdato Rješenje o vodnoj dozvoli broj: UP-I/25-3-40-560-4/19 sa određenim uslovima. U toku uviđaja utvrđeno je da nije bilo izmjena u odnosu na navedenu dozvolu.
- Snabdijevanje vodom za sanitarne i tehnološke potrebe je obezbijeđeno putem priključka na mjesnu vodovodnu mrežu, a prikupljene sanitarno fekalne vode iz toaleta se ispuštaju u septičku jamu.
- Otpadne vode nastale pranjem objekta farme nakon završenog turnusa se prikupljaju sistemom slivnika i kanalizacione mreže te odvođe do vodonepropusne sabirne/osočne jame zapremine 13 m³ bez preliva koja se povremeno čisti od strane «DELTA PETROL» d.o.o. Kakanj prema ugovoru. Nakon završenog turnusa, kruti otpad (prostirka) i đubrivo se bez zadržavanja na otvorenom prostoru farme odvoze na poljoprivredne površine sve u skladu sa ugovorima o zbrinjavanju potpisanim sa poljoprivrednicima iz Breze - Amel Bajramović i Šabanović Eldar iz Breze.
- Oborinske voda sa krova objekta se sistemom olučnih cijevi prikupljaju i zasebnim kanalizacionim sistem ispuštaju u rijeku Stavnju.

Razmatrajući podneseni zahtjev a na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta farme na stanje voda i vodni režim, podnosiocu zahtjeva su ovom vodom dozvolom u tački 2. dispozitiva ovog Rješenja propisani uslovi u skladu sa članom 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, pravno lice «AME» d.o.o. Breza ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov pilića u naselju Vrankamen, općina Breza te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-614-2/24 od 11.02.2025. godine i upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «AME» d.o.o. Breza, Branilaca grada bb, 71370 Breza
- Ⓞ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava